

十朝东华录

雍正朝第四函

函六册

雍正東華錄十六

臣王先謙敬編 臣周澐著恭校

雍正八年庚戌春正月辛未廣東布政使王士俊奏各州縣姦盜詐偽等罪犯請令地方官榜列姓名揭於通衢以示懲儆論姦盜詐偽匪類欲以木榜書名感發其愧悔之心恐未必能然朕意果遇橫逆不法之輩鄉里必不敢書其名以籍其罪無非將良懦鄉民之小過填寫一二以塞責而已有名無實恐徒爲百姓之笑具耳○丁丑以總理陵寢事務領侍衛內大臣尚崇煥爲盛京五部尚書○戊寅諭內閣雍正六年內湖南布政使趙城捐奏湖南見貯倉穀共計六十餘萬石之多又有收捐穀石本省可云有備但楚南地勢卑溼積貯既久不無霉爛之虞請分撥別省令其來楚運往以免霉變等語朕將此摺發與戶部議稱應行文江浙督撫令其詳酌如有應需穀石之處卽委員往楚轉運朕降旨俞允隨據兩淮巡鹽御史噶爾泰捐奏據兩淮商人黃先德等具呈情願出貲將湖南積穀三十餘萬石照依原買之價交納湖南藩庫領運隨地隨時售賣仍將所售價銀交納運庫等語隨經王國棟題明將雍正三年動帑所買穀一十六萬二千餘石照原價每石三錢四分九釐給商交價運售此湖南巡撫布政使及兩淮巡鹽御史前後具摺辦理之案也今據湖廣總督邁柱奏稱今年湖南岳常二府之臨湘武陵等十州縣徵欠雨澤臣等豫爲綱繆動用公項銀一萬兩買米備糶而貯倉之見穀與其照原價以給商不若留俟來年春夏照原價平糶以濟本地之民食似應飭商暫停領賣俟明年無需用之處仍聽該商領運等語朕思向因湖南撫藩皆言地方積穀甚多難以久貯奏請分撥別省運售以免霉變是以兩淮商人有赴楚領運效力急公之請今商人既已交價而邁柱又稱楚南需米備糶應請飭商暫停領賣是湖廣督撫藩司前後自相矛盾也湖南見貯穀六十餘萬石之多欲分撥別省以免霉變則本省府縣有需米之處正可將此奏開平糶以濟民食而邁柱乃云正在動用公項銀一萬兩買米備糶是邁柱之奏又自相矛盾也且邁柱又稱此時飭商停運俟楚省不需米穀之時仍聽該商領運等語是米貴之時則令商人停運而米賤之時則令商人領賣亦甚非情理之平朕意此米穀中必有虧空情弊至於噶爾泰既代商人具奏而又不爲伊等行催楚省歸結其事亦屬不合查從前噶爾泰代取商具奏領運之時原有隨時隨地售賣之語今江浙俱獲豐收米價甚賤湖南既有需米之州縣着該商仍照前議領米卽於湖南需米之處照時價糶賣不許商人高擡價值備商人獲有餘利聽其自取不許交官如此則准商領米得以貿易而楚省積穀仍得流通於商民均有裨益湖廣督撫等卽遵辦行○己卯江南河道總督孔毓珣蘇州巡撫尹繼善奏修理高堰大工事宜諭朕不惜百萬帑金以衛民濟運工程當務久遠堅固一勞永逸此外卽再增數十萬兩亦不爲多若因省小費致誤大計則所費百萬仍屬虛用也隄工卑矮之區固應增高而卑弱之所尤宜加厚可再詳加相度勘視切勿矜存小見凡有卑薄以及傾圯處悉將隄身拆砌務令自頂至底一律堅實期於永久獲益所需錢糧不必限定此數○壬午諭內閣從來左道妖言如讖緯圖記禍祥禍福之屬皆足以惑世誣民爲人心風俗之大患自古帝王皆深惡而嚴禁之苟有犯者必置重典雖赦不宥所以爲世道民風計者至深遠也朕親陝西之人秉性直魯凡好爲

誕妄之說者多至此省搖惑人心年來屢有其事已降旨切加訓誡矣觀滿洲漢軍人等亦每易爲此邪說所惑如延信之聽信道姑王氏年羹堯之聽信鄭魯與淨一道人允禔之聽信星士張愷皆借怪異荒唐之說以助其妄亂悖逆之心又如伊禮布爲江甯將軍時信一風鑑令伊子易玄潛往相面從此江甯之弁兵等皆驚爲靈驗其門如市今此人已牽連入於大逆案中矣可知僧道醫卜星相之類往往爲姦宄之所潛藏不可不慎也昨總督范時繹又於江南人家查出違禁圖識之書是草野之閒妖言惑眾之風未嘗止息地方官員儒不能化導禁約轉從而崇信之是竟以身爲庶民之倡又何怪閭閻無知之人沈溺其中而不知覺悟耶凡造爲災異禍福之說者其言不驗則爲害尙小儻天時氣數偶與其言相合一二則信者愈眾而爲害愈大甚至心懷不軌之徒借此妖言妄興兵革荼毒生靈不可不防其漸也滿洲八旗大臣弁兵等皆國家干城腹心之寄況我滿洲忠義之氣技勇之才實爲人所莫及果能安分循理盡忠孝之道無邪僻之行自然上邀天地之恩永受國家之澤書曰惠迪吉從逆凶又曰作善降之百祥作不善降之百殃爾等但當於己身求之爲善必獲善報爲惡必獲惡報所謂如影隨形也奈何舍可以獲福之正理而信從姦民無稽之言被其牽累輕則解於刑罰重則喪及身家不亦可憫之甚乎大凡爲欺人惑眾之說者皆市井兇頑無賴之輩或胸懷不軌冀以搖動人心或貪困無依欲以騙取財物爾等試思之天下焉有修道前知之人不避蹟於清淨寥廓之鄉而奔走紅塵與世俗相徵逐者乎凡我滿洲漢軍官弁兵丁等世受國恩共矢尊君親上之素志豈肯聽姦人妖妄之言而遂爲其所搖動但恐漸染日久有邪說在其意中而遇有委用使令之時或稍存疑貳之念則所關匪細故不得不訓誨開導之於平時使之恍然醒悟也若將此旨通行曉諭八旗及各處駐防兵弁等共知之○以王國棟辦理刑部侍郎事原任撫南巡撫○丙申衍聖公孔傳鐸奏兗州府屬屯莊集稅銀兩舊充尼山書院及林臺歲修之用今各省清查稅課請將此項報明歸公充餉得旨目今他省有清查稅務之事蓋因稅課一項向無定額地方官吏每多侵蝕欺隱高下其手刻剝小民是以令將實數查出凡舊額之外所有贏餘卽留爲本地官民之用並未將絲毫歸入公項也兗州屯莊集稅銀兩向充書院林臺歲修之費正是闕里之公用而孔傳鐸忽請解部充餉是將此項稅銀視爲私橐也朕於文廟工程敬謹辦理一切動用帑金所費不下數十萬孔傳鐸甯不知之而爲此卑鄙之陳奏甚屬不合嗣後著將此項集稅銀兩覈實支給爲書院林臺之用○丁酉以俞兆晟爲內閣學士讀學士院侍讀學士○戊戌署直隸總督唐執玉奏正月二十日風鳳見於房山縣石梯溝山峯得旨朕素不言祥瑞屢降諭旨甚明上年據散秩大臣尙崇廣奏天台山民李萬良等呈報十一月十三日黎明見山中有一神鳥高五六尺毛羽如錦五色俱備所立處羣鳥環繞北向飛鳴等語朕以邇地居民所見事屬渺茫將所奏發還未曾宣示廷臣昨據總理石道事務散秩大臣常明侍郎宗室普泰奏稱石工監督司官田周呈報正月二十日在房山縣石梯溝山中見瑞鳳集於峯頭五色俱備文采燦然工匠樵牧居民人等約有餘人莫不共見又據總兵官管承澤及順天府府尹孫嘉淦等所奏亦皆相同朕亦俱未宣示廷臣可以知朕心矣今據署總督唐執玉繕本具奏朕思古稱鳳

鳥乃王者之嘉祥朕撫躬自問功德淺薄不足以致威儀之上瑞此事猶疑而未信也○恩給國子監肄業貢生每年銀六千兩爲
衣食膏火之資其六堂助教等官命九卿於進士舉人內各舉所知候旨探補

二月庚子朔諭內閣我國家曆圖受命則有佐命元臣際會風雲開拓疆宇至於承平之世亦有勞臣宣力綏靖不廷凡厥鴻猷駿
烈煥耀旗常於是酬庸獎功錫以公爵分爲一等至二等三等以第其勳勞表其闕闕比於古者河山帶礪之盟爰及苗裔永久勿
替甚盛典也朕考古封爵之制漢唐以來公侯皆繫以郡縣之名而漢世功名顯著者則加以美號如信武冠軍建忠定遠之屬並
以榮名垂光史冊本朝封王者選用嘉美字樣其嗣王襲封皆因之而公爲則但分等次未有封號字樣朕意欲考其當日勳庸錫
以嘉名追加爲某公使勳勞之臣顯功不績常赫赫在人耳目聞而其子孫承襲封號亦皆顧名思義其知奮勉世爲國家效忠抒
力期踵美前人之光以副朕褒念勳舊之至意至於宗室外戚則倣古恩澤侯之例命爲奉恩公或承恩公以昭寵錫其如何命名
定制並將歷來功臣勳戚加錫美號之處該部詳查定議以聞○移廣東安定縣青甯司巡檢駐太平汎儋州安海司巡檢駐薄沙
汎崖州抱歲司巡檢駐安樂汎添設瓊山縣水尾司巡檢一萬州寶停司巡檢一截儋州大倉大使一瓊州府司獄一○癸卯以內
閣學士俞兆晟協理戶部侍郎事○甲辰 上御經筵○乙巳 景陵寶城山上靈芝生○諭吏部爲政之道務在得人朕加意旁
求惟期賢才奮庸布列庶位百職具舉嘉惠民生凡所以遴選而登進之者亦多方矣雍正六年十月間以各處需員甚多而赴部
銓選之人不敷揀用特降諭旨令京官大學士以下主事以上外官督撫以下知縣以上每人各舉一人送部引見今行之既已年
餘而內外官員未經保舉者尙多則其平日必無深知灼見之人儻復展轉遲延必致人萌奔競之心而滋賁緣請託之弊所當酌
量變通者也見今會試中額廣至四百名其中必有可供任使之人而直省選拔貢生陸續來京亦教導而成就之以備庶官之用
著將各保一人之例停止若有已經到部者仍准其引見該部即行文在京各衙門併直省地方知之○諭直隸督撫提鎮等兵民
各有職業是以分隸文武管轄不使混雜難於約束致生事端聞得廣東瓊州遠隔海外其弁員等竟於額設兵丁之外另有挂名
兵丁乃係無賴之徒干把等員利其饒送即准附名投充而此輩居然以營兵自居不服地方官拘管在營員則以原非兵丁又無
糧餉不行約束在州縣則以名列戎行非同編戶不便置問以致事在兩歧恣行不法欺壓良善聚集匪人甚爲居民之累瓊州一
處如此恐他處與此相類者不少著各省督撫提鎮等悉心確查嚴行禁革○調張元懷爲江南安徽布政使以元展成爲廣西布
政使張鉞爲廣西按察使由貴州調○己酉復原任輔國公賴士爵○辛亥 上親耕藉田○壬子恭刊 聖祖仁皇帝御纂書經

傳說告成 御製序文○甲寅諭內閣向以微員無級可降偶遇降級處分即議以革職似屬未當是以降旨令吏部兵部酌議隨

經該部議奏凡處分至於降三級者准其革職留任三年無過予以開復朕已降旨依議今朕細思若照此例則有級可降者已至
調用轉不如無級可降者得以仍留原任立法未爲允協著令吏部會同兵部再加詳議以聞尋議嗣後從九品未入流等官無級

可降遇應行降調之案在三級以內者如到任已歷數月著該督撫將居官如何之處聲明到部居官好者議以革職留任三年無過開復平常者議以革職或甫經到任尚未定其賢否亦著該督撫聲明到部議以暫行留任俟試看一年能電勉效力准其三年開復平常者照例參革至各部院筆帖式例應降調者亦令各該管官聲明送部照例定議從之○轉張大有為刑部左侍郎實授王國棟刑部右侍郎○乙卯吏部議覆甘肅巡撫許咨奏移設州縣事宜一靜甯州屬之安定監地方請改歸通渭縣轄其通渭縣治移駐安定監城一甯夏府屬之花馬池請添設州同一屬靈州轄一蘭廳同知請改為河捕同知專司河橋稅茶法暨捕盜案件其平涼府屬之固原廳歸併固原州管理一鞏昌府屬之岷州廳改為岷州設知州一吏目一靖遠廳改為靖遠縣設知縣一典史一其岷州廳原管之茶務改歸洮岷道管理一岷州屬之勇家等五里及鐵谷溝等二處地方請就近歸併漳縣管理從之○丙辰諭內閣從來察吏之道莫先於獎廉懲貪蓋貪黷之風不息則上虧國課下剝民膏其為吏治人心之害者甚大不止關繫錢糧而已我 皇考聖祖仁皇帝激敘官方深惡貪墨之蠹國病民所以儆戒訓飭之者至矣祇以 聖心寬大慈祥未曾將侵蝕國帑貪取民財之人置之重典姑且包涵望其徐徐感化此實如天之仁也乃不肖官員等不但不知感激激改勉為廉吏且恃有寬大之恩心無畏懼將侵蝕貪墨視為固然數十年來日積月累虧空婪贓之案不可勝數朕若不加懲治仍容此等貪官汚吏肆其厚賞以長子孫則將來天下有司皆以侵課納賄為得計其流弊何所底止是以數年來加意整頓若果人心知儆舊習漸除令朕得施寬大之政乃朕之至念也此意於元年二年間即屢向左右大臣等密言之者近觀各省吏治雖未必能徹底澈清而公然貪贓犯法及侵盜錢糧者亦覺甚少是眾人心悅之象與朕期望之意相符亦可迷朕寬宥之初心矣今欲大沛恩膏酌免遠年承追之項將各直省官員名下應追贓銀及侵欺那移流抵分賠代賠銀兩凡事在雍正三年以前已經發覺者該部查明情由具奏朕酌其情罪降旨免追其自雍正四年正月以後犯罪之案乃屢經訓諭而不悛改者不准寬免至於軍務錢糧關繫重大其昔年西甯肅州阿爾泰軍需等案內應追銀兩雖在雍正三年以前亦不准豁免此次特恩乃朕仰體 聖祖仁皇帝寬大至意爰施法外之仁豈但本人及其子孫免追比之苦獲再生之慶即承追之地方在官員則得免於處分在吏胥亦得免於杖責案牘減省事簡刑清莫不受國家寬大之賜咸當感激微省互相勸勉以循良為楷模以貪墨為鑒戒則大小官吏永遠共沐國恩儻因逾格寬宥轉啟玩法之心復蹈從前之轍則曠典豈可再邀國憲豈能再免且背天逆理莫此為甚亦斷不能逃上天之譴責也○丁巳晉封誠郡王允祉為誠親王貝勒允禩為愉郡王貝子允禩為貝勒封二十一阿哥允禩二十二阿哥允禩俱為貝子二十三阿哥允禩為鎮國公○戊午以碩色為陝西西安布政使楊秘為陝西西安按察使由湖南選○己未諭內閣滿漢內外兵丁朕皆一視同仁冀其俯仰有資吉凶用度不至匱乏為此拳拳於心久矣但經理區畫之方不得不由近而遠次第舉行以期無弊是以首及在京之八旗上年則通行各省駐防及督撫提督標下按其兵丁之數分別賞銀之多寡令各該管大臣商酌營運取息以備兵丁支領之用至各

省領標則擬漸次及之冷見各處督撫提督具奏前來亦有經理得宜可收實用者亦有布置未當難於舉行者可見料理此事之難矣至於鎮臣之才又不及提臣等則料理愈覺繁難儘因朕此時加惠兵丁而啟將來爭競以致弁兵上下之間互相齟齬則是恤兵之美意轉生營伍之事端非所以愛之也著該總兵官徧行詢問標下兵丁等若朕賞銀後伊等聽該管官措置出納小生貪得冒領之心卽或措置失宜甚至有侵蝕虧缺者伊等亦不忿爭怨望致生事端如此出具一甘結令該總兵官具疏保題至於營運經理之法著該省總督巡撫提督會同總兵官悉心酌量如何料理可以長久遵行無弊並令督撫提督酌量該總兵能否辦理此事具疏保題到日朕當降旨加恩若該省無總督提督卽令巡撫確議保題其每年出入查覈及接任交代等事俱照督撫提督之例行○諭戶部從前歷年戶部虧空庫銀二百五十餘萬之多怡親王曾奏請將本部餘平飯銀陸續代爲完補朕思歷年該管之堂官庫官所司何事若不責令賠補無以示儆因令孫渣齊秉公開報著追及孫渣齊開報時高下其手甚屬不公以致追完之數甚少拖欠之數甚多累年不能清結今朕念孫渣齊之祖舊日忠勤已將伊免罪釋放並免伊名下應追銀兩其餘應追未完人員亦一體施恩悉行免追仍照怡親王所請將所存餘平飯銀代爲完結○王戎馬世珩緣事革職調徐本爲江蘇按察使張鉞爲貴州按察使以張體義爲廣西按察使由著循○理藩院遵旨議奏外國進貢來使俱有館舍安置惟回紇未經置館請撥官房一所爲回紇館並擇在京回民頭目二名居住看守從之○甲子移浙江甯波府同知駐鄞縣之大嵩定海縣岑港司巡檢駐岱山縣四明驛驛丞駐江干增定海縣沈家嶼巡檢一○丙寅增山東莒州石埠集巡檢一○戊辰諭陝西督撫等安西沙州等處招民屯墾厚爲惠養邊民之計是以累年以來備極籌畫經營期其得所今雍正六年民戶到齊之日計算至辛亥年例當輸賦之期但念小民甫經安插公私兼顧爲難著寬期二年於癸丑年升科俾民力寬裕俯仰有資以副朕格外加恩之至意○加高其倬太子太保○南寧國王烏孫遣使叭猛花等奉表朝賀並請永定貢期得旨南寧國遠在西南徼外從來未通職貢今遣使前來奉表修貢具見惻怛朕心深爲嘉悅所請著禮部議奏尋議嗣後南寧國酌令五年進貢一次今年初次納貢應照蘇聯國初次進貢之例頒賜敕諭一道令該使臣恭捧遠國以示嘉獎從之敕南寧國王曰朕惟輸誠效順遠人昭嚮慕之忱錫命褒庸天室懋撫柔之典矧茲殊域遐聽風聲旣納盡誠宜加賚予爾南寧國屬在遐陬克抒丹悃恪恭遣使梯航具達於神州懇切陳詞琛寶並將其方物允堪嘉尚用錫宴榮茲特降敕獎勵並賜王文綺器皿等物王其祇受益矢虔恭以副朕眷至王所請貢期念爾國遠在西南往來遐遞已敕禮部定議酌俟五年之外一修歲獻之儀若王有所敷陳則可隨時上達故茲敕諭○是月免直隸薊州武清王田等州縣及湖南澧州臨湘等州縣衛雍正七年水災額賦有差

三月己巳諭內閣朕愛惜人材不忍聽其限於考成遂至放廢而外任各官案件繁多往往罹於參罰是以數年來因公誣誤之員例應降革者多於覆本之內降旨令該上司出具考語送部引見若其才具稍有可用必再試以職任而成全之雖片善寸長亦不

晉書也今恩在京部院司官及旗員等雖參罰之案不多然亦有因公註誤者所當一體加恩與以贖過自新之路嗣後在京文武各官有因公註誤至於降革而任內無錢糧不清及治罪之案者准照外官之例令該堂官該旗大臣出具考語奏請帶領引見或將該員仍留原任或另行試用或照例降革候朕降旨裁奪○諭朕聞有數省督撫藩臬不能約束書吏者其胥役人等狐假虎威無惡不作而督撫衙門為尤甚其有內外班之分內班總管案件外班專遞信息朋比作奸種種嚇詐飽其貪婪則改重為輕掃其所欲則批駁不已即如廣東各案盜犯未獲無論年月遠近不拘盜犯多寡總督書辦概於冬季寫票差提承緝之吏日典史巡檢齊至肇慶示期批責其陋規則有院房年節禮房員到彼各送書辦銀三四十兩遂准回任若微員無力餽送則差押不放甚至稟請杖責此粵省之弊端也至於各省督撫書役則有承舍旗牌等名皆自號為差官督撫給票差遣亦用差官字樣而通省吏民遂莫不以差官目之平日居坐班房包攬詞狀每於府州縣官謁見督撫之便私行屬託濫准枉斷及差往他處則肩輿途分馬掛寶轡儼然官長沿途拜會司需索馬夫餽送此輩狡猾性成或以小忠小信趨奉本官得其歡心開或委其訪察屬員事蹟則假公濟私作威作福其害更不可言矣從來胥吏之為患有關吏治在精明廉察之督撫自能覺照而防範之而庸懦之督撫為所欺而不知受其累而不悟者正不少也又如藩司掌通省之錢穀臬司掌通省之刑名案牘如山不得不仗熟練之書役為之辦理而其中百弊叢生舞文弄法之處不可悉數朕素知此輩之情狀已經定例嚴申禁約今再行訓飭是在督撫藩臬等約束於平時訪察於臨事不因熟悉條例而輕聽其言不因善承使令而誤墮其術秉公駕馭用意防閑一有見聞即加懲治不存姑息之見不留回護之心如此則若輩雖欲舞弊而不能雖欲玩法而不敢矣儻任封疆岳牧之寄於一二管轄之書吏不能使之安分守法革面洗心又安能察吏安民詎意繁暴成移風易俗之治乎朕深為庸懦之督撫藩臬恥之○命江西省開局鼓鑄○壬申諭內閣牧令為親民之官一人之賢否關繫萬姓之休戚自古以來慎重其選而朕之廣攬旁求訓勉告誡冀其奏循良之績以惠我烝黎亦儲極苦心矣惟是地方事務皆發端於州縣頭緒紛繁情偽百出而膺斯任者類皆初登仕籍之人未練習於平時而欲措施於一旦無怪乎傍徨瞻顧心志茫然即採訪諮詢而告之者未必其盡言無隱此古人所以有學製美錦之歎也向以大學士朱軾左都御史沈近思外任多年周知地方利弊雍正二年會令二臣商酌規則以為州縣之指南乃書未就緒而沈近思物故邇年以來朱軾復時多疾病此事遂致遲延去年始降旨令總督田文鏡李衛各抒其見繕錄諸條以進朕親加披覽在二臣各就其所閱歷者而言繁簡同異之間不必一致而慎守官方勤恤民隱其大指則一而已矣爰付訓勅頒賜州縣官各一帙俾置几案開朝夕觀覽省察提撕治效未臻必思所以勉之弊端未革必思所以去之本之以實心行之以實力毋始勤而終怠毋靜言而庸違如此則不但國家得司牧之賢草野有父母之頌而為牧令者從此身膺顯耀名標史冊豈不美歟○癸酉以趙之垣為通政使原任光祿寺卿○庚辰諭內閣審度地方蕩民衣食之源在大清漢唐三渠水利是以定例每年疏濬修理使水流暢足民田均霑灌溉自歷年官員疏

忽怠玩以致開道堤岸損壞衝決日見浩空而三渠之中惟唐渠爲九基近來其日過低其稍過高水勢不能逆流而上多誤小民
種之期雖每歲定有歲修之例然不能以一月之工程整十數年之荒廢也見今兵部侍郎通智開洛惠農昌潤二渠於甯夏水
利自然明悉著會同光祿寺卿史在甲卽行直議今歲豫備物料明春動工修補務令三渠堅固俾邊境黎元灌溉有資永享益甯
之慶○移福建福清縣丞駐平潭○辛巳查下第舉人路費○甲申予故刑部右侍郎王承烈祭葬○丙戌諭內閣凡官員始初
被參革職發審及審係全虛例應准其開復該部往往但免其罪而以已經革職無庸議含糊歸結非情理之正又有原參重罪審
虛而該員尙有輕罪應以降級罰俸歸結者則應開復其官按其所犯予以降級罰俸之處分方於情法允協其應如何明晰定例
俾內外通行遵奉著九卿會議具奏待議嗣後官員被參革職發審者審係全虛照例准其開復如該員先經別案革職本案審虛
止將該虛之案開復其從前降革之案不得概予開復其先經別案降革留任者本案審虛亦將審虛之案開復俟補官日仍將從
前降革留任之案帶於新任至原參重罪審虛而該員尙有輕罪例應降級罰俸者將原參革職之案准其開復按其所犯輕罪分
別議處永著爲例從之○諭直隸水利營田工程怡親王辦理多年實心任事各官遵其訓示罔敢怠玩今王偶抱微恙朕令靜養
調攝不宜復以繁瑣之務使之縻懷著將水利衙門一切大小事件應啟知怡親王者俱稟知大學士朱軾定奪辦理有應行奏聞
者朱軾卽請朕旨俟怡親王全愈之日再行通知其在工官員等勿以怡親王不事督率稽查遂生玩忽之念嗣後工程重大事務
有調度失宜者則朱軾之責至於修築不堅防護不慎管束不嚴與怠惰疏虞推諉遲誤等弊朕皆於分理之官員是問儻少有不
遵或經朕訪問及怡親王全愈之後查出題參定行從重治罪○諭戶部湖廣新設永順一府所轄永順龍山保靖桑植四縣應徵
秋糧向係土司交納實不從田畝徵收每年雜派任意輕重至於肥饒之田土官自行收種餘復爲豪強分占民間止有零星硤碯
之地自改土歸流以後有司因田畝未經清丈或仍照舊冊攤派在無田之民陋規尙未盡除而隱占膏腴者不納田賦殊非任土
作貢之義著將永順一府秋糧豁免一年令有產之家自行開報准其永遠爲業按田肥瘠分別起科一切雜派私徵嚴行禁革是
在督撫等督率有司善爲經理儻奉行不善致土民不免疑懼則咎有攸歸矣○戊子增四川保甯順慶夔州三府同知各一甯遠
雅州二府通判各一敘州府照磨一越黨衛經歷一順慶重慶二府司獄各一嘉定潼川達合四州州同各一嘉定潼川眉卬資綿
蘆忠巴劍十州州判各一成都華陽巴墊江渠大竹宜賓富順隆昌永甯奉節梁山萬平武西昌榮逢甯德陽保十九縣縣丞各一
富順南溪綿竹三縣主簿各一建始保汶川三縣典史各一邛州之火井漕瀘州之嘉明鎮達州之麻柳塘簡州之龍泉驛會理州
之苦竹壩灌縣之白沙河新都之彌牟鎮巴縣之木洞鎮銅梁之安居縣洽南充之東觀場岳池之黎梓衛南部之西河口廣元之
百丈關朝天鎮昭化之白水通江之椽壩關宜賓之橫江宣化驛屏山之石角營萬縣之市郭里雲陽之雲安廠平武之中壩場建
爲之牛花溪射洪之大庚渡蓬溪之蓬萊鎮敘永廳之古蔣州等巡檢各一裁太平縣明通巡檢一移建武通判駐屏山縣之新鎮

○庚寅諭吏部查例載官員失察衙役犯贓十兩以上者革職朕思衙役眾多一官之耳目難於周徧儻知而故縱自當從重處分若但失於覺察即將本官罷黜則賢員因此誣誤者不少矣情有可原而處分太重轉易滋隱匿之弊此應加通變者該部其悉心斟酌另行定例具奏等議嗣後直省衙役犯贓本管官除知情故縱照例革職外其止於失察者請照在京部院司官之例十兩以上該管官降一級留任不及十兩者罰俸一年各該督撫於覈內詳悉聲明交部分別議處從之○裁廣東武甯大陵二驛驛丞各一其驛務歸各該縣管理改欣樂平山平政蘇州四驛驛丞缺俱為巡檢○辛卯裁湖北荊山荆南孫黃漢江鄖城五驛驛丞各一○予故刑部左侍郎蔣沅祭葬○甲午解范時繹任調史貽直署兩江總督由調○以伊拉齊為江西布政使由調○胡瀚察事降調以樓儼為江西按察使原任廣東按察使○丁酉諭內閣敕職一官陶成士類關繫甚重凡科甲出身之知縣有准督撫題請改教之例蓋以該員才具不足以治民而學品尚堪以訓士故畀以師儒之席俾得展其所長以為國家興賢育材之助並非以縣令改教使不才者可借以藏身而為督撫者可以濫行題請也朕恐改補之員心志褻瀆怠忽職守從前所降諭旨甚明嗣後如有不堪課士之員止合勒令休致儻仍瞻顧苟且題請必將該督撫議處者通行各直省知之○是月免直隸靜海寶坻等七屬雍正七年水災額賦有差

夏四月庚子清親王允禩薨輟朝三日賜祭二次造墳立碑諡曰度○以德齡為內閣學士由翰林院侍讀學士遷○癸卯賜周澍等三百九十九人進士及第出身有差○復設直隸邢臺縣西黃村巡檢一移行唐縣兩嶺口巡檢駐上碑村○甲辰諭內閣據署理川陝總督印務查郎阿奏川省墊江忠州等屬姦徒楊成勳王可久等捏造妖謠吹角嘯聚匪謀敗露楊成勳自縊身死今拿獲黨犯陳文魁楊成祿等提出訴狀怨白等稟言詞雖鄙俚不經其中指稱忠州地方丈量田地科派需索騷擾累民等事則日禍冤起於戊申年奉旨清丈民田又曰上憲愛民如子察冤如神等語查四川清丈之舉始於馬會伯之奏朕惟恐不便於民諭令憲德悉心酌議以定行止隨據憲德奏稱蜀省昔年兵火以來人民稀少田地荒蕪及至底定歸復祖業者從來未經勘丈是以多所隱匿迨歷年既久人丁繁衍姦猾之徒欺其界畔無據遂相爭構訟今應明白曉諭令將所管田畝分立地界各執本名立戶載入版籍每年納糧俱以串票為據如此則欺隱侵奪之患可以悉除矣又川省詞訟為田土者十居七八大率為界址不清亦非勘丈無以判其曲直清其田畝等語憲德之奏如此朕又詢問岳鍾琪據岳鍾琪所奏與憲德之言相副嗣將諸人前後所奏發與九卿會議九卿亦以應當舉行合詞從奏朕於是慎選科臣高維新等前往辦理而於伊等陸辭之時諄切訓誨務期剔除積弊安插善民俾閭閻共享甯靜之福並非為加增賦稅起見又復頒發諭旨若丈量案內百姓果有冤抑不可准其十數人同到督撫或欽差官員衙門控告但不許聚眾喧囂其呈狀著督撫欽差接受秉公審理此從前遺官清丈之始末也其勘丈造冊等費俱令勒支帑金各官供應等項俱令從公支給無非體恤閭閻不使幾微煩擾之意上年冬月丈量之事將竣朕又念川省各屬徵糧利則輕重縣殊其

田土肥瘠不等則賦稅自難畫一又復降旨凡隱瞞科則等處止據實核則更定至於額糧稍重之州縣卽比照就近適中地方之科則令其覈減以紓民力今年正月憲德以清丈事竣具本代達川民謝恩之詞通省士民咸稱川省數十年輕徭薄賦近日荒蕪漸闢而土著流民各居其半邊界不清總由田土未丈以致豪強爭占捏造無已今蒙清理疆界使強無兼併弱無屈抑又荷鴻慈將田不敷糧之戶悉予開除疆界既已分明額賦尤爲公溥下符民志上契天心等語朕亦以爲經理得宜於民生風俗大有裨益矣豈意姦民嗜惡爲匪竟引清丈苛虐以爲言雖冥頑兇暴之人本不足信然彼怨白中公然寫爲奉旨清丈者豈非該撫憲德等但以清丈之事稱爲奉旨至於己身奏請之處並未曉諭於眾耶陳文魁訴狀內稱上憲愛民如子察冤如神等語伊既稱領川省上司是必憲德等有沽譽於民之這何不將朕之德意廣爲宣播而乃蒙混含糊使姦民得以藉口耶又怨白所言需索騷擾等弊朕之差委人員俱令給與夫馬食用之資而一應勘丈造冊等項又悉令從公支給絲毫毫不以擾民朕之諭旨既詳且備如果奉行不善經理失宜則封疆大臣之責安得以此歸怨於上耶憲德既稱通省士民歡呼感戴異口同聲何以尙有陳文魁楊成祿此等匪類暗結邪黨肆行誹謗可見平日地方大吏化導之未周董戒之不力則深山窮谷之中安保無似此兇邪之小人惑於妖言而妄爲私議者乎凡督撫所施行於地方之事自然皆奉旨之事然其發端之始各有不同有由於內外諸臣條奏者有由於本省督撫題請者有朕特旨施行者朕屢屢訓諭督撫等卽朕特旨令行之事該督撫等身在地方若果有不便於民之處卽據實密奏朕卽降旨改易如鄂爾泰田文鏡李衛於朕降旨施行之事復行陳奏而朕卽爲中止者甚多憲德獨不聞之乎四川清丈一事既曾奉旨朕豈肯推卸於臣工但其舉行之緣由始於該撫之陳奏而非朕本意君臣之間同辦政務是非得失不容歧視朕尙不肯推卸於臣工則臣工又安可轉推卸於朕耶數年以來朕以清丈之事時爲慮念但有訓誡之言從無獎許之旨昨據合省謝恩之奏而論似於地方有益其功亦優德之功若果如姦民所言有需索擾累之事則該撫失於覺察咎有所歸朕在九重之上萬里之外安能代爲之謀耶著憲德將朕此旨通行刊布曉諭川省士民務令遠鄉僻壤共知之○丁未諭內閣古稱黃河之神土通雲漢光啟圖書禮曰三王之祭川也皆先河而後海惟神澤潤萬國福庇兆民自古及今功用昭著我朝自定鼎以來仰荷神庥尤爲彰顯或結爲冰橋以濟師旅或淤成沃壤以惠黎元或湧出沙洲作天然之保障或長就隄岸屹永固之金湯他如濟運通漕安瀾順軌有禱必應無感不通至於激濤六省之遙閱歷七旬之久稽諸史冊更屬罕聞神之相佑我國家者至矣朕敬禮之心至爲誠切因念江南河南等處皆有廟宇虔蒸展祀而河源相近之處向來未建神祠以崇報享典禮亟宜舉行查河源發於崑崙地隔遙遠人稀境僻其流入內地之始則在秦省之西甯地方朕意於此地特建廟宇專祀河源之神敬奉烝嘗以答神恩其如何加封神號及度地建廟一應典禮著九卿悉心詳議具奏尋議史冊所載漢祀河於臨晉宋令澶州置河濱廟進號顯聖靈源公明以河濱源崑崙澤被中土特行致祭本朝順治三年封黃河神爲顯佑通濟金龍四大王之神康熙三十九年加封爲顯佑通濟昭靈效順

金龍四大王之神查黃河發源西番枯爾坤山經河州之長甯驛流入中國應令該督委員於河州口外擇地建廟設立神像春秋致祭其加封神號內閣撰擬從之○諭各省會試舉人向例給與盤費銀兩所以體恤士子勤其資斧之需從前俱赴該省布政司衙門領取道途跋涉守候需時吏胥又多勒索扣剋之弊士子所得無幾嗣後著在本州縣衙門照數領給該州縣取各舉人領狀申詳布政司於奏銷冊內報部查覈庶吏胥無侵扣之事而士子亦免跋涉守候之苦若州縣有扣剋需索而督撫失於覺察者經朕訪聞將督撫一併議處○命改定大學士尚書品級大學士為正一品尚書左都御史為從一品○己酉諭內閣今年三月京師一帶雨澤愆期朕衷甚為憂慮齋心默禱至三月二十五日得降時雨似覺霑足朕心稍慰昨據直隸署總督唐執玉奏報各屬得雨情形畿輔雨澤尚未周徧朕悉心殫思推求體察朕之用人行政朝乾夕惕之念實八年如一日此朕可以自信仰邀上天垂鑒卽在朝滿漢文武大臣等亦皆勤慎供職無貪殘不法之人忝竊高爵以致上干天和者惟是政務中有清查旗地寬免積欠二件乃近來降旨施行之事查國家定制旗人地畝不許民人典買例禁甚嚴乃無藉之徒不遵禁約彼此私相授受以致諸弊叢生姦偽百出爭訟告訐大為人心風俗之害實有不得不清查釐正者朕又念此等積弊沿習多年按律究治有所不忍於是特降諭旨寬其違禁典買之罪且命動支內帑給價歸贖使旗地仍歸旗人不至為民人巧占民人仍得原價不至費本子虛永慮爭端革除弊竇此朕格外之恩也或者差往清查之人奉行不善以致民心怨抑上干天和靳茲雨澤乎又如查免積欠之旨乃今年二月中御頒發者自是以後京師一帶風多雨少有微旱之象意此等拖欠錢糧之劣員上虧國帑下剝民膏為天理所不容國法所難宥或者上天以朕查免之旨涉於違譽市恩而非肅惡懲貪之道是以昭垂此象以示儆乎近來舉行之事止此一端而天象如此朕心不能無疑若內閣九卿悉心詳議具奏備此二事之外有應行陳奏之處亦著據實具奏毋得隱諱尋大學士等議奏清查旗地寬免積欠二事慮周惠溥輿情軟治無可擬議但臣等辦事實多過愆有忝職守當益加省勉以仰副 皇上敬 天勤民之至意得旨人情自以為是者多而能自省者少是以古昔聖賢莫不以箴規匡諫為貴朕以誠心接待諸大臣若諸大臣偶有過愆朕卽面加詰誠冀其速改若朕躬稍有過失則當隨時匡正以輔朕之不逮此乃切望於諸臣者也近因京師雨澤愆期朕默加修省悉心體察一切政務皆與內外大臣等商酌而後舉惟行惟有清查旗地寬免積欠二事出於朕心之獨斷並不由於臣工之條奏亦未諮詢商度於廷臣今見天象如此朕心不能無疑是以降旨詢問至於諸大臣之供職尚屬勤慎小心若有應行教導修改之處朕自隨時指示○諭吏部道員有盤查錢糧密緝命盜案件之責是以州縣有虧空遲延等事該道與司府一例處分開四川所屬州縣刑名錢穀等事竟直詳請臬臺該道並不與聞若有處分則將該道一併參罰甚為屈抑且非設官本意著吏部行文四川巡撫令該省四道於所屬州縣每年巡歷一周如有虧空那移諱盜等事即咨牒兩司詳報巡撫確查題參其地方詞訟該道亦得聽受審斷凡各州縣案件俱從該道中轉以專守巡之職○添設雲南歸化州州同一駐邱北○癸丑命塞爾赫仍以內閣學士兼禮部侍郎

職行走調鄂爾可爲工部右侍郎杭奕祿爲禮部左侍郎實授收可登刑部左侍郎○已未諭內閣朕欲清吏治整飭官方時訓勉大小臣工實心供職以熙庶績而惠兆民又恐職官甚多優劣不等或視誥誡爲具文不知做愧懲以遇有參處之案率按例處笏不稍寬貸猶欲其謹小慎微時時檢束自不至贖閑蕩檢干犯重罰也而外省督撫等亦皆遵奉法紀吏吏嚴肅不肯寬假姑容內外之考課如此並非苛刻以待臣下也近年以來朕留心體察內外文武大小官員雖不盡大法小廉而奉公守法各勤職業者多朕心深爲嘉悅但從前參問之案累積漸重礙於今歲秋冬之間開恩寬免以示獎勵曾向大臣等言之今昔京師雨澤愆期屬虔加修省並推求政事之闕失而不得其由因思朕原有寬免各官參罰之心而未嘗降旨或者內外數百人員之中固有罰當其罪者亦有限於成例情屬可原者應即頒諭旨廣沛恩施咸予以自新遷善之路除特旨永停俸祿者不行開復外著將內外滿漢文武大小官員一應革職降級留任及罰俸停升之案悉行寬免准其開復儻此降革人員開復之後將來有犯貪贖侵蝕不法重罪者著於本內聲明具奏○吏部論內閣向因各省員缺需人朕於部選之外特旨命往者甚多恐其中賢愚不等或有倚恃特用而生縱佚恣肆之心者又或該管上司不知朕心以其爲特用之員而存瞻徇姑容之見者是以曾有特用人員深負朕恩則加倍治罪之言蓋欲其知所儆惕以副上進也然必其所犯之罪果係貪婪不法不可寬宥方行加倍懲治非謂因公建議一切參劾案件皆以其爲特用之員而概從加倍也從前屢降諭旨甚明近來該部及各省督撫尙有不問事之輕重概以加倍議罪者甚非朕立法之本意至於盜案越獄亦曾有加倍治罪之旨蓋因朕整飭吏治於地方事務不許隱匿是以有司不敢諱盜諱命每有案件即行詳報以致監禁之犯未免較多而姦宄兇惡之徒往往乘間越獄冀脫重罪又有罪本不至於死亦乘機越逃者尤爲逞姦玩法藐視憲典是以有加倍治罪之條以懲頑愾又恐罪犯等不知此例誤蹈重辟特令各地方官刊木榜置於獄中使身繫囹圄之人莫不知悉免致一時誤犯以上加倍治罪二條係朕曾經降旨者乃內而法司外而督撫往往比照此例以加倍定擬具題又有將本犯輕罪議以加倍而抵之於死者尤非平允之道且國家立法原一定而不可易其有應行從重加倍者亦必待朕酌其情罪特頒諭旨非臣工所可擅定者也嗣後凡有議處議罪之條俱照本律定擬其有負恩犯法情罪重大應從重定擬者必須折衷平允不得擅用加倍辜據開蒙混苛刻之端員朕立法屬民儆省防閑之至意○命署直隸古北口提督魏經國節制直隸各鎮總兵官後不爲例○辛酉諭內閣古稱蟬蛻生於水澤之中乃魚子變化而成者是以江南淮揚之州縣地接湖漣往往易受其害蠶蝗之所生多因低窪之區秋雨停集生長小魚交春小魚生子水存則仍復爲魚若值水涸日曬人覓之後即化爲蟬不待數日便能生翅羣飛即被害之家亦莫知所自蓋以其地寥廓荒涼人蹟罕至平時忽而不察及至鼓翼飛騰則有難於撲滅之勢所當審視體察防之於早者也凡直省地方向有蝗蝻之害者該督撫大吏應轉飭有司通行曉諭附近居民於大熱久晴之後周歷湖濱窪地及深山窮谷無人之處見有萌動之機無分多寡即行剪除消滅儻民力或有不敷即稟報該地方官督率人工協同助力更令

文武官弁派出誠實兵役會同里長者民等留心察視不可疏忽怠玩如此則人力易施蟲災可杜於禾稼大有裨益但小民愚昧無知又復苟且憚情其曉諭開導防患於未然者有司不得辭其責實心任事之良吏必不肯於此等事膜外視之也○癸亥以嵇曾筠署江南河道總督河東總督田文鏡兼管河南山東河道總督

五月戊辰朔調魏廷珍為湖北巡撫以程元章為安徽巡撫調張元懷為浙江布政使以兩淮鹽政噶爾泰兼理安徽布政使○已巳以原任兩江總督范時鐸協辦河東河工○予故陝西布政使加太常寺卿銜方觀祭一次○辛未上聞怡親王病篤幸王邸比至王已薨逝上親臨視悲慟不已左右大臣等懇請節哀乃回宮轍朝三日○壬申上親臨怡親王喪次奠酒舉哀悲慟逾時回宮○癸酉調德明為戶部尚書以海壽為刑部尚書常賚為刑部右侍郎南巡撫○調高其倬為兩江總督以劉世明為福建總督趙國麟為福建巡撫陳世倌署河南布政使張建德署河南按察使○以噶爾泰為戶部左侍郎劉相署安徽布政使

劉章署浙江按察使○甲戌諭內閣朕因怡親王薨逝中心悲慟雖強自排遣而飲食俱覺無味寢臥皆不能安蓋王之事朕誠敬忠愛之心八年有如一自自古以來無此公忠體國之賢王則朕所以待王之禮亦應在常例之外今朕素服一月以稍展思慕不釋之情此一月之內朕既素服則在廷諸臣遇朝服之期亦著仍穿常服一切宴會俱不必行凡朕加恩於王之處皆不足以及嗣王之碩德豐功而在朝之諸王大臣官員等受國家之恩必念國家失此賢王同深悲慟昨日朕親臨奠醊之時見滿漢文武諸臣悲切之狀人有同情朕心甚慰益見王之素行感人者深也○署安徽按察使魯國華奏回民住居內地不分大小建不論閏月以三百六十日為一年私計某日為歲首羣相慶賀平日皆戴白帽設立禮拜清正等寺妄立把齋名目逆制惑眾應請嚴行禁革恪守典章違者照律定擬如地方官容隱督撫徹底亦一併議處得旨回民之在中國其來已久伊既為國家編氓即皆為國家赤子也朕臨御天下一視同仁豈忍令回民獨處德化之外是以官頒諭旨訓以興孝勸忠望其型仁講讓服教慕義共為善良即數年來亦未見回民作奸犯科逞兇肆惡者且其中有志上進者甚多應試服官同於士庶而以文武科名出身游登顯秩為國家宣力效忠者常不乏人至回民之尊為一教乃其先代相沿之土俗亦猶中國之大五方風氣不齊習尚因之各異其來久矣歷觀前代亦未通行禁約強其盡一也魯國華此奏甚屬苛刻怪誕回民何嘗不遵正朔而止以其私記時日即加以不遵正朔之名回民何嘗不遵服制而止以其便用冠巾即加以不遵服制之罪至於禮拜清正等寺名亦不過如各省村邑崇奉其土俗之神皆為祀典之所不載何獨於回民刻意吹求指為罪案乎若回民實有干犯法紀之處國憲具在自當按律懲治並無曲宥回民之條向後儻回民本無過愆而大小官員等但因其習尚少有不同以此區區末節故意苛求妄行演奏者朕必嚴加處分魯國華此奏非有挾私報復之心即欲惑亂國政著將魯國華交部嚴加議處○乙亥諭大學士九卿等茲因怡親王之事朕心悲感爾等請朕

劉章再三陳懇朕每事保持精神不肯為勉強之舉時時以此訓諭臣士豈至今日而遂忘之但以王之事朕一片忠赤之心至誠

非有挾私報復之心即欲惑亂國政著將魯國華交部嚴加議處○乙亥諭大學士九卿等茲因怡親王之事朕心悲感爾等請朕

劉章再三陳懇朕每事保持精神不肯為勉強之舉時時以此訓諭臣士豈至今日而遂忘之但以王之事朕一片忠赤之心至誠

非有挾私報復之心即欲惑亂國政著將魯國華交部嚴加議處○乙亥諭大學士九卿等茲因怡親王之事朕心悲感爾等請朕

劉章再三陳懇朕每事保持精神不肯為勉強之舉時時以此訓諭臣士豈至今日而遂忘之但以王之事朕一片忠赤之心至誠

非有挾私報復之心即欲惑亂國政著將魯國華交部嚴加議處○乙亥諭大學士九卿等茲因怡親王之事朕心悲感爾等請朕

劉章再三陳懇朕每事保持精神不肯為勉強之舉時時以此訓諭臣士豈至今日而遂忘之但以王之事朕一片忠赤之心至誠

非有挾私報復之心即欲惑亂國政著將魯國華交部嚴加議處○乙亥諭大學士九卿等茲因怡親王之事朕心悲感爾等請朕

劉章再三陳懇朕每事保持精神不肯為勉強之舉時時以此訓諭臣士豈至今日而遂忘之但以王之事朕一片忠赤之心至誠

至敬王之年齒小朕八歲不但賴王養贊朕躬且望王輔弼於將來豈料王竟長逝耶王顯名厚德為宇宙之全人垂休光於竹帛固不以壽算之修短計而國家失此股肱心膂之賢王在朕躬則甚苦矣因廷臣等請安奏懇各將朕意宣諭知之○丙子諭內閣怡親王忠孝性成端方清直當年事我 聖祖皇考敬謹恪恭克盡子臣之道深蒙 皇考慈愛而王慎密有加小心安分此中外所共知者逮朕御極之初命王總理事務王夙夜匪懈公秉忘私精白一心無欺無隱其殫竭忠誠贊襄於密勿之地者八年有如一且至於軍務機宜度支出納興修水利督領禁軍凡宮中事無鉅細皆王一人經畫料理無不精詳妥協符合朕心無煩朕之指示其有關於吏治民生之利弊有聞必奏每語必詳而為國家保護善類培養人材一片為摯真切之念形於寤寐王之懿德美行從不欲表著於人而人亦無從盡知之朕即知王最深而亦口不能宣筆不能述也是以雍正四年特書忠敬誠直勤慎廉明八字以賜彼時降旨朕深知王之德洞悉王之心覺此八字實不能盡王之美善不過就王事朕之大端而言耳蓋王實能佐朕治安天下朕實賴王翼贊昇平徧觀自古史冊所載賢王懿德從未有可與王比倫者且王居心之和平公正行事之寬厚仁慈皆足以享遐齡而歸壽算豈意王遽舍朕而溘然長逝耶自去年冬月王抱病以來朕繫於懷無刻稍釋商榷醫藥默禱神祇以冀沈疴頓起乃今醫藥罔效祈禱不靈天何奪我忠誠輔弼之賢王若此之速耶王抱恙時居住交暉園與圓明園相近朕聞欲親往看視王再三懇辭而於一旬半月之間必力疾入圓明園與朕相見及王病勢漸加力不能支惟恐朕心憂煩則釋交暉園乃起病之所暫且移避遂養病於西山無非欲與圓明園相連令朕不深悉其病狀可以安慰朕心也及王回城中府第朕以祈雨回宮前月得雨之後王屢次奏請朕幸圓明園是王但恐以病狀煩勞朕心而於己身之生死全不計及也及聞病勢沈瀉朕方欲命駕臨視乃王聞知即脫塵而去蓋王不欲以永訣傷朕之懷是以顯此剛決之相其於去留之際明白超脫若此在王成一忠孝正直賢智慧覺之全人而朕頓失此柱石賢弟感痛悲宣何能自己耶王之德行功績難以枚舉從來豐勳偉烈必膺國家崇報之典惟王為聖祖皇考之令子為我朝 列祖之功臣允宜配享 太廟列於從前建立大功諸王之次庶與王之功德相副且可上慰 列祖皇考在天之心而朕思念悲切之衷亦可稍解於萬一其餘一切恩卹典禮該部會同大學士九卿悉心詳察從優定議具奏尋議怡親王功在社稷 皇上篤念忠勤特昭崇報配享 太廟實與王之功德相副其設位配享告祭禮儀禮部另行繕摺具奏其致祭應於定例二次外加祭一次墳碑文與工部敬謹建造祭文碑文由翰林院撰擬諡號由宗人府議奏得旨依議怡親王之懿德鴻勳自應錫以上諡但恐一字不足彰王之美善古者有大功賜之美號以表揚之朕曾親書忠敬誠直勤慎廉明八字賜王字字皆王之實蹟今應否於諡號之上加此八字取古人申錫美號之義著大學士九卿會議具奏○丁丑諭大學士等準噶爾噴爾丹策零藏匿負罪潛逃之羅卜藏丹津抗違國法因特發南路大兵聲罪致討期於今年進發直搗伊犁今噶爾丹策零遣使特起奉表陳奏謂已將羅卜藏丹津解送天朝因開進兵之信暫行中止若天朝俯念愚昧赦其已往即將羅卜藏丹津解送等語朕欲

將特磊遣回並差大員主準噶爾諭以受封定界敦族薩鄰速將逃匿送出伊若一一聽命朕當寬宥其罪其進兵之期暫緩一年俟特磊起身之後著甯遠大將軍岳鍾琪靖邊大將軍傅爾丹參贊大臣陳泰蘇圖來京其靖邊大將軍印務著副將軍巴賽護理並令署振武將軍順承郡王錫保就近協理所有應行事宜著黑爾賽張廷錫等詳議具奏尋議靖邊大將軍傅爾丹來京大約在九十月間應令於起身之前行文知會甯遠大將軍岳鍾琪先後到京以便會同商酌得旨甯遠大將軍於九十月間起身來京則到京之期已在冬底未免太遠著兩路大將軍在九月十五日前後到京見今差侍郎杭奕祿張佛保同特磊往諭準噶爾岳鍾琪俟特磊回過軍營之後即將起程日期知會傅爾丹酌定起程靖邊大將軍印務已命副將軍巴賽護理甯遠大將軍應令何人護理著岳鍾琪奏聞其陳泰所統官兵著查克丹署理蘇圖所統官兵著舒楞額署理再者副都統圖克善黑色前往軍前交與傅爾丹酌量派管軍營事務○命大學士朱軾總理水利營田事理藩院左侍郎莽鵠立內閣學士對琳工部右侍郎何國宗協同辦理○戊寅諭內閣崇德報功國有典懷恩慕義人有同情凡在英文武官員平日曾受怡親王教訓知王之善者許其各詣王府致奠申哀○己卯莊親王允祿內大臣佛倫等奉命辦理怡親王喪事所見齊集人員無不銜恩垂泣獨誠親王允祉當皇上親臨回宮之後遲久始至逮宣讀皇上諭旨之時眾皆嗚咽悲涕而誠親王早已回家且每日於舉哀之時全無傷悼之情視同隔膜請交與該衙門嚴加議處得旨誠親王允祉情性乖張行事殘刻是以皇考屢降諭旨宣示於眾今據爾等參奏著宗人府諸王貝勒貝子公八旗大臣九卿詹事科道會同定議具奏○裁山西陽曲縣臨汾縣徐溝縣同戈驛祁縣賈令驛臨汾縣建雄驛洪洞縣普潤驛靈石縣瑞石驛霍州霍山驛聞喜縣涑川驛長子縣漳澤驛屯留縣余吾驛平遙縣洪善驛介休縣義棠驛鳳台縣太行驛承清縣河東驛臨晉縣樊橋驛大同縣聚城驛平定州平潭驛忻州九原驛代州雁門驛驛丞各一○壬午上臨怡親王邸奠酒舉哀畢回宮○諭內閣朕名及諸兄弟之名皆皇考所賜朕即位之初允祉隆科多等以諸王之名上一字與朕相同奏請更改朕不允行而伊等援引往例陳懇再三朕不得已奏聞太后勉強許之今怡親王薨逝朕回思昔日與王同事皇考家廷孝友之情宛然如昨凡告廟典禮所關有書王名之處仍用原名以誌朕思念弗釋之意○諭戶部年來甘肅地方辦理軍需雖一切動支公帑絲毫不取於民而輓運轉輸不無資於民力朕心軫念特將雍正八年額徵錢糧悉予蠲免以示恩施今聞該撫許容以兵餉無抵將歷年舊欠勒限一年全完民閒甚為擾累以致不法之徒借端生事許容才具短淺識見鄙陋辦理此事甚屬錯誤夫本年錢糧既經豁免而仍嚴比舊欠大非朕加恩沛澤之意若云兵餉無抵自可具題請撥何得於蠲免之年而行催徵之舉除生事民人應秉公懲治外著將徵比舊欠之處即行停止○丙戌諭內閣怡親王為朕辦理大小諸務無不用心周到而於營度將來吉地一事甚為竭力殫心從前在九鳳朝陽山經畫有年後因其地未為全美復於易州泰甯山太平峪周詳相度得一上吉之地王往來審視備極辛勤又恐隨從人等煩擾居民將飲食之屬俱不令前驅僅備常至晝夜始進一餐其所擇吉壤

寶由王親自相度而得而臣工之精地理者詳加斟酌謀僉同且以爲此皆王忠赤之心感格神明是以具此慧眼卓識也其相近山水回環形勢聯絡之處又有中吉次吉之地朕以王經營吉地實爲首功欲以中吉者賜之王驚悚變色惶懼固辭朕鑒其誠心遂寢其事已而在六十里外淡水縣境內得一平善之地曰此庶幾臣下可用者奏請賜給朕彼時遲回未曾降旨王於病中令侍即劉聲芳懇請轉奏朕不得已允其所請王得旨喜極至於踴躍忭舞云皇上待我隆恩異數不可枚舉今茲恩賜則子孫世世俱受皇上之福於縣長矣即日遣護衛前往起土越數日護衛呈看土色王取一塊捧而吞之蓋王知朕眷王之深惟恐瑛域未定將來仍以以前所欲賜之地賜之也其用心之謙謹周密至於如此王薨逝後朕詢問王府管事之人知王病中將身後之事一一指示特書親王墳塋圖一幅與其王妃及諸子曰我身後塋地之制悉照會典所載親王之禮行毋得稍有踰越如或稍過則汝等違我之治命矣昨王府之人以圖進呈朕覽僅有門三間享堂五間此國家經常之制非所以待有大功之賢王者但思王之生平謙抑退讓朕每如恩禮王必再三懇辭朕鑒其一一實皆出於至誠往往愈允令若身後獨不從其言朕心有所不忍然以豐功碩德不世出之賢王而寢園僅循常制則褒德顯功之典禮實爲缺畧朕心又有所不忍今如何使朕心之展轉不忍者得以大慰而揣度王心亦受之而安且揆之於禮適爲合宜允協著大學士九卿等悉心詳酌定議具奏○戶部議准江蘇巡撫卞繼善奏蘇州府屬之常熟昭文二縣舊有丐戶不得列於四民邇來化行俗美深知愧恥欲滌前污請照樂籍情民之例除其丐籍列爲編氓從之○己丑諭兵部怡親王圖寢在涑水東村見在興工修造著設立守備一千總一把總二兵丁五十名永遠守護俱隸太平峪副將管轄○吏部議准廣東總督郝玉麟奏廣東肇高廉羅道駐紮肇慶府控制千里以外之高廉二府雷瓊道所轄雷州府在海之北瓊州府在海之南俱鞭長莫及請添設巡道一駐紮高州分轄高雷廉三府改肇高廉羅道爲肇羅道雷瓊道爲海南道並請將高雷廉道海南道及原設之惠潮道俱加兵備職銜以樹聲威從之○移江南望江縣楊灣河巡檢駐華陽鎮○辛卯宗人府等衙門議奏允祉性情乖張行事殘刻 聖祖仁皇帝屢降諭旨宣示於眾 皇上御極以來時加訓誡多方保全乃伊下愚不移罪惡日稔臣等謹就其罪之大者言之允祉事 聖祖仁皇帝諸事違罔知愛敬 聖祖仁皇帝聖躬違和允祉毫無憂戚且懷冀幸之意又恭謁 陵寢允祉並不早集行禮使諸王大臣候至巳時始至 昭西陵午時方至 景陵任意怠忽有乖典禮其於母妃也肆行忤逆又敬敏皇貴妃薨逝允祉服制未滿即行剃頭此其不孝之罪一也當一阿哥廢黜之後允祉居然以儲君自命見廷臣更正東宮儀仗輒忿然謾罵此其妄亂之罪一也允祉素日包藏禍心希冀儲位與逆亂邪僞之陳夢雷親暱密謀遂將陳夢雷黨周昌言私藏家內妄造邪術拜斗祈禳陰爲鎮壓及事蹟敗露允祉罪在不赦我 皇上法外施仁不忍加誅逮後在 皇上之前抗傲無禮諸王大臣合詞參劾宗人府議以禁錮復蒙 皇上從寬止將伊降爲郡王薄示懲儆而伊毫不畏懼今年又蒙特恩復伊親王之爵而伊仍不知感戴此其狂悖之罪一也允祉向日與阿其那塞思黑允禔等交相黨附時切覬覦比瞞匪類肆無忌

憚及至阿其那塞思黑逆蹟敗露允祉乃密請交伊暗置死地意在歸過 皇上 皇上宵旰勤勞每於允祉進見時賜坐優禮論以勤政憂民諸事允祉漫不樂聞但以伊閒居散適之樂娓娓陳述此其欺罔不敬之罪一也滿漢文武大臣受 聖祖仁皇帝敦養深恩又蒙 皇上加意委任而允祉視抒誠宣力者如讐敵儉邪不軌者爲腹心此其姦邪之罪一也從前皇貴妃喪事允祉當齊集之期俱詭稱有另交事件推諉不前及前年八阿哥之事允祉欣喜之色倍於平時此其惡逆之罪一也允祉之子弘晨兇頑放縱助父爲惡荷蒙 皇上鴻恩從寬禁錮允祉反以此銜恨於心時形怨望此怨懟不敬之罪一也允祉在 聖祖仁皇帝時侵帑焚贓盈千累萬又恣意需索所屬仍復遺欠纍纍 皇上深用體恤特賜帑金俾其饒裕而允祉毫不感激每以催追之項怨忿湏奏此其貪黷負恩之罪一也怡親王忠孝性成謨猷顯著允祉心懷妬忌惟怡親王薨逝並不懇請成服又不躬請 皇上聖安且於怡親王府齊集之所每日遲至早散當舉哀時全無悲泣之情反有慶幸之意此其悖理蔑倫之罪一也至於殘忍刻薄徇私揀詐之處難以枚舉情罪重大應將允祉削去和碩親王革退宗室即行正法伊子弘晨兇頑放縱助父爲惡亦應革退宗室即行正法再伊子輔國公弘景應革去公爵並伊諸子及孫俱革退宗室交與該旗編入佐領更名披甲當差允祉之女有品級者革去品級其妻妾並弘晨之妻妾俱交與弘景允祉所屬佐領應令該旗作爲公中佐領所有家產並伊子家產俱係大內分給應交該旗查明交內務府得旨覽諸王大臣官員所議若照議施行朕心有所不忍姑從寬曲宥將允祉革去親王其如何拘禁之處候朕另降諭旨弘晨素性兇頑助父爲惡從前散禁於宗人府令著嚴加拘禁弘景爲人心性未定尙不似其父兄之悖亂著仍留公爵以徐觀其後允祉所屬人等作何派撥之處朕另行降旨○王辰湖廣安陸府知府談九敘等恭請 聖訓諭知府一官有承上率下之責關繫吏治民生最爲緊要爾等勿視爲傳舍但務逢迎上司以圖升遷爲榮身之計果能察吏安民實盡其道即使終身不得遷轉亦足留名譽於將來若一味請託鑽營希圖保薦縱一時倖獲寸進而公論難免何能掩人之耳目哉刑名事件知府尤爲上下關鍵務期明允公當地方始無冤民不可聽屬員懇求亦不可畏上司駁詰而草率苟且以致訟獄顛倒下結民怨上干天和若催科一節固有考成果遇水旱災荒自當據實申詳加意撫恤不可隱匿以圖省事亦不可捏報以滋弊端夫寬大惠愛者乃爲政之要道朕非令爾等嚴厲苛刻以從事也但古人云養稂莠者傷禾稼惠姦宥者賊良民若保全貪官污吏以博長厚之名縱容地棍土豪以沽安靜之譽此大有害於人心吏治者也沽名邀譽乃居官之大患大凡在任時貼德政之歌謠離任時具保留之呈牒皆非真正好官也惟去任之後紳衿百姓思念不忘則不愧古之循良矣知府與知縣不同知縣爲一邑之宰果能殫竭心力使四境之內民人樂業便是良有司至於知府則有統轄屬員之職若各屬之內有一人居官不善在知府分內卽爲一分贖職不可云潔己謹守遂可無忝牧守之任也天下人才難得儻過於苛刻摧殘則因細故微瑕而至於放廢終身者不少矣總之遇好官則當愛重保護之遇中材則當勸導扶掖之遇劣員則當懲治罷黜之以此督課屬員有不觀感興起者無此情理也至於參罰案件